

huiusmodi pseudomarchionis introducti defecta, dictus Lodo-
vicus marchio statum pristinum et principatum domini recuperavit.

Porro anno domini 1361 in mense februario pluribus noctibus
successive celo quidem sereno apparuit tanta accensio^u in re-
gione aeris versus aquilonem, ut celum et tota regio aeris ar-
dere videretur. Unde in civitatibus et villis homines huiusmo-
di incendium videntes, putantes singuli quique proximos sibi
vicos ac villas incensos et ex tali incendio regionem aeris appa-
rere taliter inflammata, cum clamore et pulsatione sicut
est moris campanarum^u concurrentes ad incendia mirabiliter ober-
rabant. Ideo namque huiusmodi aeris^v accensionis splen-
dor illuxit, ut claritatem lucis lune tunc lucide splendentis
suis radiis offuscaret.

Habuit itaque Carolus imperator III. ex Anna augusta
filium, quem ipse cum regalibus pompis fecit in villa re-
gia Nierenborch baptisari convocata propter hoc ibidem curia
celebri principum et prelatorum baronum et militum pluri-
morum. Quem quidem filium Wilhelmus archiepiscopus^v bolo-
niensis de sacro fonte suscepit conferens eidem iocalia
ex auro pariter et argento plurimum preciosa.

Rex Francie sponte veniens in Angliam ad
obsequium, ubi defunctus est.

Deinde postquam Johannes rex Francie per Eduardum regem
Anglie a captivitate sua dimissus in regnum Francie fuerat
restitutus, reliquit idem rex Francie post se in regno Anglie

^u) campanis ^{cod.} v) aere ^{cod.}

Forum Ciron.
2, 23. 32.